

VENDIM
Nr.55, datë 3.2.2010

PËR DEKLARIMIN E DETYRUESHËM TË DEKLARATAVE TATIMORE DHE TË DOKUMENTEVE TË TJERA TATIMORE, VETËM NËPËRMJET FORMËS ELEKTRONIKE

Në mbështetje të nenit 100 të Kushtetutës dhe të nenit 65 të ligjit nr.9920, datë 19.5.2008 “Për procedurat tatimore në Republikën e Shqipërisë”, të ndryshuar, me propozimin e Ministrit të Financave, Këshilli i Ministrave

VENDOSI:

1. Deklarimin e detyrueshëm, vetëm nëpërmjet formës elektronike, të deklarave tatimore dhe të dokumenteve të tjera tatimore, objekt i këtij vendimi, me të cilat nënkuptohen:

a) Deklarata tatimore, në kuptim të këtij vendimi, janë formularët:

i) e deklarimit dhe të pagesës së TVSH-së;

ii) e deklarimit dhe të pagesës së tatimit mbi të ardhurat nga punësimi;

iii) e deklarimit dhe të pagesës së tatimit mbi fitimin;

iv) e deklarimit dhe të pagesës së kontributeve për sigurimet shoqërore e shëndetësore.

v) e deklarimit dhe të pagesës së tatimit mbi të ardhurat personale të biznesit të vogël;

vi) listepageses së kontributeve të sigurimeve shoqërore , shendetesore dhe tatimit mbi të ardhurat nga punësimi;

vii) pasqyres të të punësuarve për here të parë, atyre rishtazi, si dhe të të larguarve nga puna;

Forma dhe përmbajtja e listepageses dhe pasqyres për deklarimin e ndryshimeve të numrit të punonjesve përcaktohet me udhëzim të ministrit të Financave.

b) Dokumente tatimore, në kuptim të këtij vendimi, janë librat e blerjes dhe të shitjes së tatimpaguesve të regjistruar për TVSH-në dhe tatimin mbi fitimin.

2. Subjektet e regjistruara pranë Drejtorisë Rajonale të Tatimpaguesve të Mëdhenj duhet të bëjnë dorëzimin e deklarave tatimore dhe të librave të blerjes e të shitjes, vetëm nëpërmjet formës elektronike, duke filluar nga periudha tatimore, nga data 1 janar 2010.

3. Subjektet e regjistruara për TVSH-në dhe tatimin mbi fitimin, të regjistruara pranë drejtorive rajonale tatimore duhet të bëjnë dorëzimin e deklarave tatimore dhe të librave të blerjes e të shitjes, vetëm nëpërmjet formës elektronike, duke filluar nga periudha tatimore, nga data 1 mars 2010.

4. Subjektet e regjistruara për TVSH-në dhe subjekt i tatimit mbi të ardhurat personale për biznesin e vogël duhet të bëjnë dorëzimin e deklarave tatimore, vetëm nëpërmjet formës elektronike, duke filluar nga periudha nga data 1 korrik 2010.

5. Entet shtetërore janë të detyruara të paraqesin deklaratat tatimore për tatimin mbi të ardhurat personale, sigurimet shoqërore dhe shëndetësore, vetëm nëpërmjet formës elektronike, duke filluar nga periudha tatimore, nga data 1 mars 2010.

5.1.Subjektet, e përmendura në pikat 2,3,4, dhe 5, të këtij vendimi, janë të detyruara të paraqesin listepagesen dhe pasqyrën për deklarimin e ndryshimeve të numrit të punonjesve, vetëm nëpërmjet formës elektronike, duke filluar nga data 1 janar 2012, sipas afateve ligjore.

5.2 Subjektet e tjera, të përmendura në pikat 2,3,4 dhe 5, të këtij vendimi, janë të detyruara të paraqesin deklaratat dhe dokumentet tatimore sipas pikës 1, të këtij vendimi, vetëm nëpërmjet formës elektronike, duke filluar nga data 1 janar 2012, sipas afateve ligjore.

5.3. Subjektet që janë të detyruara të deklarojnë dhe të paguajnë kontributet e sigurimeve, shoqërore dhe shëndetësore, duhet të dorëzojnë në organet tatimore, brenda afateve ligjore edhe në formë shkresore, listepagesat dhe të dhënat për ndryshimin e numrit të punonjesve për të gjitha periudhat tatimore të vitit 2012.

Për këto periudha tatimore, për efekt të zbatimit të afateve të deklarimit, do të vlerësohet dokumenti i dorëzuar apo i deklaruar më i pari në organin tatimor.

5.4. Per identifikimin e punonjesve, qe deklarohen ne listepagese, te perdoret numri personal sipas ligjit nr. 8952, date 10.10.2002, “Per leternjoftimin e shtetasve shqiptare”, te ndryshuar.

Ministria e Financave, Ministria e Shendetesise, Ministria e Brendshme dhe Agjencia Kombetare e Shoqerise se Informacionit, me udhezime te perbashketa te percaktojne rregullat e komunikimit on-line per perdorimin e bazeve te dhenave per numrin e identitetit te shtetasve.

5.5. Ne zbatim te ketij vendimi, Ministria e Financave, ministri per Inovacionin dhe Teknologjine e Informacionit e te Komunikimit, Ministria e Brendshme, Instituti i Sigurimeve Shoqerore, Instituti i Sigurimeve te Kujdesit Shendetesor, Agjencia Kombetare e Shoqerise se Informacionit, Autoriteti Kombetar per Certifikimin Elektronik, ne bashkepunim ndermjet tyre dhe ne menyre te pavarur sipas perkatesise, te percaktojne nomenklaturen e procedurat per shkembimin e te dhenave, certifikimin dhe transmetimin elektronik te tyre, rregullat e perpunimit te te dhenave, si dhe te ruajtjes ne regjistra elektronike te historikut te kontributeve te paguara dhe te fondit te pagave, per çdo subjekt dhe person kontributpagues, sipas muajve.

5.6. Me fillimin e zbatimit te ketij vendimi, organet tatimore dergojne ne organet e sigurimeve shoqerore dhe te sigurimeve te kujdesit shendetesor, ne menyre periodike, te dhenat e listepageses, ne total dhe per çdo individ, vetem ne format elektronik dhe vetem pasi shuma e detyrimeve qe ajo permban te jete paguar plotesisht nga subjekti perkatese.

6. Ngarkohen Ministria e Financave dhe Drejtoria e Përgjithshme e Tatimeve për nxjerrjen e udhëzimit, në zbatim të këtij vendimi.

7. Ngarkohen Ministria e Financave dhe Drejtoria e Përgjithshme e Tatimeve për zbatimin e këtij vendimi.

8. Ministria e Financave, Drejtoria e Përgjithshme e Tatimeve, Instituti i Sigurimeve Shoqerore dhe Instituti i Sigurimeve te Kujdesit Shendetesor, per zbatimin e ketij vendimi, te nxjerrin udhezime te perbashketa dhe te veçanta me rregullat per zbatimin e detyrave perkatese.

KRYEMINISTRI
Sali Berisha

Ky vendim hyn në fuqi pas botimit në Fletoren Zyrtare.

Ky vendim hyn në fuqi pas botimit në Fletoren Zyrtare.

Botuar ne Fletoren Zyrtare Nr. 10, Date 17.02.2010.

Ky vendim hyn në fuqi pas botimit në Fletoren Zyrtare.

Ndryshuar me Vendim Nr. 899, date 14.12.2011. Botuar ne Fletoren Zyrtare nr. 169, date 29.12.2011.

Ndryshuar me Vendim Nr. 286, date 2.05.2012. Botuar ne Fletoren Zyrtare Nr. 59, date 29.05.2012.

Ndryshuar me Vendim Nr. 476, date 25.7.2012. Botuar ne Fletoren Zyrtare Nr. 112, date 30 gusht 2012.